

山陰縣誌目錄

卷之一

輿圖

沿革

星野

卷之二

山川

土產

田賦

戶口

祠祀

風俗

卷之三

公署

職官

卷之四

學校

選舉

人物

卷之五

武備

祥異

卷之六

藝文

碑文

新鑄鍾成記

郭登庸

予少時記邑城北懸鍾一晨昏扣而民依興息惜

金輕製薄歲久乃敝嘉靖丙申關中王君朗來主

邑事睹邑政之闕有三城垣頽未修井堙民苦遠

汲鍾敝久未復也是歲三月予適自金陵北上道

吾里見王君以次舉上發乃集金邑中廢器借工

別駕郭侯宗揆不一日而鍾成擇日發型予乃行
繼吾里人至京師咸述鍾鳴鴻遠邑民欣慶王君
束予記之於乎懿哉是舉不可以小目之凡民事
日興夜息勞逸均而出入節自夫有是鍾也東方
欲白而一鳴焉民咸思曰可興矣吾業不可緩也
日暮燈火而一鳴焉民咸思曰可潛矣吾業雖勤
邑禁當守也是鍾一成起民情而立民軌邑政孰

先焉是秋頗熟顏城之修堙井之濬將次第舉矣
王君剛立雅飭蚤登鄉選邑教善政故風志也矧
家聲垂遠端毅公之孫云冶人給食間聞出吾外叔
舅中丞復菴公形製之畫予內弟進士希尹子姪
進士石并姪阮寶運思焉惜工迂未盡起凡輔成者名書于後
太祖高皇帝混一區宇太原王保保既竄首為三晉
生生之地然承平既久豫大豐亨人玩於時平世

勢湮於歲久申畫慎固亦東郊之有待於保釐焉
者嘉靖四十四年大尹陳侯來宰乃登進厥民請
閭瘼隱咸有辭於築浚為百里當務之急侯曰嘻
方今令刻於追呼民苦於奪命機杼其宣而閭閻
蕭索夫民元氣也古之人勞民築而疲民守務保
障者不為也是故善醫者慎辨標本而已矣爰約
以律已嚴以御史務民之義而小物必勤不逾年

政通人和近悅遠來斯致民焉具版幹飭畚鍤立
期會百姓趨事至者播和侯咸勤焉不數月而量
人之效奏矣萬杵雷轟泰隍罔覆百堵偕作崇墉
以登力不盡於子來之衆財無待於帑藏之公賢
哉侯也于民匪父母於國匪干城也乎計城延袤
凡四餘里崇登原益於昔各四餘丈隍環城凡三
重厥深且廣亦倍差於昔且戍樓粉堞一切維新

肇王於隆慶元年二月念二日迄工於八月二十
八日子方受邊備之命經畧延綏適鄉人以予桑
梓里來問言予惟夫子告張也尊五美曰擇可勞
而勞之子貢問必不得已而去食信奚先曰民無
信不立故悅以先民民忘其勞民勸矣哉悅之大
也王者之民皞皞如也殺之而不怨利之而不庸
侯蒞古今戎馬之區孰不嬰我公不聞之懷乃需

有衣衾雖戒而無或忘厚下安宅之圖迨經之營
之之始孰不假府庫皆財之富乃敏則有功雖急
而益以謹家國公私之防侯非養素之至母亦精
義之極者乎嘗聞侯大父忠事先朝為國柱石侯
又非得庭訓之真而貪陰隲之福者乎畢命云公
其惟時建無窮之基亦有無窮之聞茲宗社靈長
吾邑永存予則以侯之聞於吾邑者亦休終前政

也乃若侯陟峻登崇委蛇郡廟園聖天子官人
詔德之自然侯所以自致者矣侯諱遵字薦之號
少鵠山東益都縣人

水利碑記

王珍
分守冀北
道山東人

按山陰縣志稱九嶺拱圍二水吞納此即桑乾黃
水二河也桑乾繇馬邑遶山陰北自西而東其性
不遷黃水繇朔流縣南數折而東與桑乾合形家

所謂遶抱也且二水利民春秋蓄洩不啻膏液之

潤皮膚邑之先達王文端當國時即慮及此且恐

後之專利者不諳風氣以為士風農業病刊立碑

石於黃水等村令單月上水截頃以資溉沃雙月

決之使下令山陰共分膏源之利行之數十年矣

後以北岸稍汙漬隄而北復薄於城之西門比及

城又反折而北行直去不惟冲冒射脇形勢所忌

而隍平城隍似亦與保障爭利害者守土者患之
會本縣父老子弟具原以請余即批行路廳令其
速為查復阻撓者繩之以法於是府判常三錫同
縣令劉以守暨二三父老相度地形僉謂城南行水
便且周河於隍外東南又增一險遂因其高下以
施培濬之功故道頓復委蛇曲折復歸於東又詢
之故老云自文端沒後始有此水而是縣民貧且

逋官之宦蹟亦因以不揚風氣之說理或有之且
水利水害彼此共之強宗豪右昔之欣其利已而
去其石者又當重勒之石以垂不朽而請序于余
余維山陰辰山帶河風氣攸鍾代有聞人其最顯
者如文端公以書生為帝者師恩弛累世寵賈
朝雖由天縱德產未必專屬地靈而鍾英毓秀山
該縣司民命者曰水利所以救旱也和一月一轉

則禾焦葉剝矣其定為例每十日以為上下庶旱
苗獲有七日之復有撓法者痛懲之余不文又不
屑為綺語聊即其繇點綴數語書之螭頭以告來
者使知此舉水利民風兩者俱得而先達後宦曲
盡苦心茲地之繼文端而起者當有同念也然而
余更有說焉水于卦為比利興害除厥有攸好是
矣然日今
奔騰洶
有水象疆域恃歛

忘戰棄備踈防有溺象焉則修武備以克紹文端
吾于山陰有厚望矣不知父老何以復我

書水利碑陰

按水河舊行城南轉旋曲屈深合水法其篤生危
相非偶然也迨後奔潰北折來則直射去復反背
形故非善患且噎城識者言之改導而南周旋回
護氣咏咏用培行當有繼文端而應地靈者可恭而

俟其耕者資溉居者資飲種種諸利又不暇言也
以溉為利者上則元英黑屹塔下則五伏圖李珠
庄擅利非一日矣其近城前後可引可灌宜麥且
饒第民溺于習俗安于惰窳尚多遺利自奉

勸立文會疏

王家屏

東閣大學士

僕與諸友生同里閑游共黷庠偶竊科名謬塵仕
版每懷吾黨嘗念歸與茲幸廢間數相接晤濟濟